



Broj: 01-50-1-15-53/09
Sarajevo, 13. maj 2009. godine

ZAPISNIK

53. sjednice Predstavničkog doma Parlamentarne skupštine Bosne i Hercegovine, održane 13. maja 2009. godine

Sjednica je počela u 10 sati. Prisustvovala su 34 poslanika. Odsustvo su opravdali: Jovan Todorović, Sead Jamakosmanović, Ekrem Ajanović, Zlatko Lagumdžija, Jerko Ivanković Lijanović, Sefer Halilović, Rifat Dolić i Sadik Ahmetović.

Iz Vijeća ministara BiH sjednici su prisustvovali ministri: Sredoje Nović, Safet Halilović i Tarik Sadović.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, Ambasade Velike Britanije te nevladine organizacije Centri civilnih inicijativa.

Predsjedavajući Beriz Belkić je na početku sjednice, u okviru prethodnih pitanja, upoznao Dom o tome da su izabrani predstavnici iz Predstavničkog doma i Doma naroda utvrdili da ne postoji predmet usaglašavanja, dakle da ne postoji potreba za usaglašavanjem teksta Zakona o izmjenama i dopunama Zakona o državnoj službi u institucijama BiH. Zakon je usvojen u identičnom tekstu i sada slijedi njegovo objavljivanje kako bi stupio na snagu.

Predsjedavajući je zatim dao na glasanje inicijative Adema Huskića za uvrštavanje u dnevni red sljedećih tačaka:

- Prijedloga zaključka o zaduženju zakonodavnih i izvršnih organa vlasti u BiH da urade vlastite akcione planove za realizaciju preporuka iz Kominikea Upravnog odbora Vijeća za provođenje mira od 26.3.2009. – „za“ je glasalo 20 poslanika (iz Federacije BiH 19, iz Republike Srpske jedan), „protiv“ pet, „suzdržana“ tri. Nije bilo entitetske većine, pa je provedeno usaglašavanje. Kolegij nije postigao saglasnost. U drugom krugu glasanja „za“ je bilo 20 poslanika, „protiv“ 11 (iz Republike Srpske), „suzdržanih“ nije bilo – **prijedlog nije usvojen.**
- Donošenje odluke o proglašenju 27. januara Međunarodnim danom sjećanja na žrtve holokausta i 11. jula Danom sjećanja na žrtve Srebrenice - „za“ je glasalo 20 poslanika (iz Federacije BiH 19, iz Republike Srpske jedan), „protiv“ šest, „suzdržanih“ šest. Nije bilo entitetske većine, pa je provedeno usaglašavanje. Kolegij nije postigao saglasnost. U drugom krugu glasanja „za“ je bilo 20 poslanika, „protiv“ 11 (iz Republike Srpske), „suzdržanih“ nije bilo – **ni ovaj prijedlog nije usvojen.**

Predsjedavajući je obrazložio izmjene i dopune predloženog dnevnog reda, a zatim je otvorio raspravu.

U okviru rasprave o prijedlogu dnevnog reda, Šefik Džaferović predložio je da se u dnevni red uvrsti donošenje zaključka ili da se u okviru prethodnih pitanja usvoji sljedeći radni zaključak: **„Zadužuje se Vijeće ministara BiH da do naredne sjednice (alternativa u roku od 30 dana) u parlamentarnu proceduru dostavi sve zakone koji su uslov za liberalizaciju viznog režima i da ih Parlamentarna skupština BiH usvoji bez ikakve rasprave“** - kako bi se ispunili uslovi iz Mape puta i BiH priključila grupi zemalja koje početkom iduće godine treba da uđu u režim liberalizacije viznog režima.

Povodom ovog prijedloga predsjedavajući Belkić je informirao Dom da je Kolegij na jučerašnjoj sjednici usvojio zaključak da se obrati Vijeću ministara BiH sa istim zahtjevom i da su spremni sazvati sjednicu i prije utvrđenog termina naredne sjednice.

U vezi s prijedlogom Džaferovića govorili su: Niko Lozančić, Milorad Živković i Drago Kalabić.

Nakon rasprave, Šefik Džaferović odustao je od svog prijedloga i saglasio se da Dom da podršku zaključku Kolegija.

Predsjedavajući Belkić konstatirao je **da je Kolegij Predstavničkog doma na jučerašnjoj sjednici donio zaključak da se uputi zahtjev Vijeću ministara BiH da hitno, što je moguće prije, dostavi prijedloge zakona koji se tiču uslova za liberalizaciju viznog režima, usaglašene na Vijeću ministara BiH, sa zahtjevom da se razmatraju po hitnom postupku, nakon čega će Kolegij odmah sazvati sjednicu.**

Sa 24 glasa "za" (Federacija BiH 16, RS osam) i dva "protiv", Dom je dao podršku ovom zaključku Kolegija.

Predsjedavajući je za 53. sjednicu Predstavničkog doma konstatirao sljedeći

D N E V N I R E D

1. Usvajanje Zapisnika 52. sjednice Predstavničkog doma;
2. Poslanička pitanja:
 - a) Komentari na dobivene odgovore,
 - b) Nova poslanička pitanja;
3. Prijedlog zakona o akcizama u BiH (drugo čitanje);
4. Prijedlog zakona o okviru devizne politike u BiH (prvo čitanje);
5. Prijedlog zakona o upotrebi gestovnog jezika, predlagači: poslanici Beriz Belkić, Milorad Živković i Niko Lozančić (prvo čitanje);
6. Prijedlog odluke o pristupanju izmjenama Ustava BiH (predlagači: poslanici Kluba SDA);
7. Izvještaj o provođenju zakona u nadležnosti Centralne izborne komisije BiH;
8. Izvještaj o zaštiti ličnih podataka u BiH i o radu Agencije za zaštitu ličnih podataka u BiH;
9. Izvještaj o radu Pravobranilaštva BiH za period od 1.1.2008. do 31.12.2008.;
10. Privremeni izvještaj Istražne komisije za utvrđivanje trošenja donatorskih sredstava;
11. Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu Bosne i Hercegovine;
12. Strategija prevencije i borbe protiv nasilja u porodici za Bosnu i Hercegovinu za period od 2009. do 2011. godine;
13. Izvještaj komisije Kolegija o nastojanju za postizanje saglasnosti o Prijedlogu revidirane strategije BiH za provođenje Aneksa VII. Dejtonskog mirovnog sporazuma;
14. Informacija o radu Tužilaštva BiH za 2008. godinu;
15. Informacija Ministarstva sigurnosti BiH o stanju sigurnosti novinara u Bosni i Hercegovini (realizacija zaključka usvojenog na 47. sjednici Doma, održanoj 4. marta 2009.);
16. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o Agenciji za pružanje usluga u zračnoj plovidbi;
17. Izjašnjavanje o inicijativi poslanika Momčila Novakovića u vezi s „Razmatranjem položaja i mjera za poboljšanje položaja građana BiH koji su bili zaposleni i nastanjeni u Republici Hrvatskoj”, a u periodu od 1991. do 1995. godine otpušteni s posla;
18. Davanje saglasnosti za ratifikaciju:
 - a) Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave,
 - b) Prvog amandman na Kreditni sporazum, potpisan 25. jula 2005., između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Olovo,
 - c) Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu.

Ad. 1. Usvajanje Zapisnika 52. sjednice Predstavničkog doma

Nije bilo rasprave o ovoj tački dnevnog reda.

Zapisnik 52. sjednice usvojen je sa 31 glasom „za“ (iz Federacije BiH 20, iz Republike Srpske 11), jednim „protiv“ i bez „suzdržanih“ glasova.

Ad. 2. Poslanička pitanja i odgovori

Predsjedavajući Belkić je u uvodnim napomenama rekao da su odgovore na pitanja dobili poslanici: Adem Huskić, Velimir Jukić, Denis Bećirović, Šemsudin Mehmedović, Rifat Dolić, Remzija Kadrić, Šefik Džaferović, Lazar Prodanović, Željko Kuzmanović, Azra Alajbegović i Rifat Dolić.

Odgovore su komentirali: Denis Bećirović, Remzija Kadrić, Lazar Prodanović, Šemsudin Mehmedović i Velimir Jukić.

U okviru komentara, Lazar Prodanović je od Agencije za državnu službu tražio dopunu odgovora:

“Ja sam dobio odgovor koji se odnosio na broj novoprimljenih zaposlenih državnih službenika putem konkursa Agencije za državnu službu i zahvaljujem se na njemu. Međutim, želim konstatirati da je ovdje navedeno da je ukupno u prošloj godini primljeno 559 državnih službenika. Od toga su 72 prethodno radila na tom mjestu. Ovim brojem nisu obuhvaćeni pripravnici, te bih molio dopunu odgovora na ovo pitanje. Dakle, da me informiraju u kolikom broju od navedenog učestvuju pripravnici koji su bili na tim radnim mjestima.”

Postavljena su nova poslanička pitanja kako slijedi:

Šefik Džaferović:

“Na koji način je izvršeno bodovanje i ocjenjivanje kandidata za direktora Direkcije za evropske integracije BiH, sa zahtjevom da se Parlamentarnoj skupštini BiH dostavi kompletan materijal koji se tiče tog predmeta?”

Slavko Jovičić:

“Je li Bosna i Hercegovina jedina zemlja na svijetu koja retroaktivno primjenjuje Krivični zakon?”

Milica Marković:

“U kojoj fazi se nalazi krivična prijava protiv Atifa Dudakovića koja je podnesena u septembru 2006. godine zajedno s dokaznim materijalom za počinjeni ratni zločin? Da li je analiziran dokazni materijal koji je dostavljen, da li je izvršeno saslušanje osumnjičenog i da li je počelo saslušavanje žrtava koje su predmet bile tog ratnog zločina?”

Mirko Okolić:

- “ 1. Kako je moguće da Bosna i Hercegovina Glavašu odobri državljanstvo BiH i to u vremenu kada je bio otvoren istražni i sudski postupak za koji je znala uglavnom sva domaća pa i strana javnost?
2. Ko mu je i kada odobrio državljanstvo BiH?
3. Da li u dodjeljivanju državljanstva ima povreda bilo koje vrste, formalne, pravne, sigurnosne pa i povrede prakse?”

Remzija Kadrić:

“Iz kojih razloga Ministarstvo uprave i lokalne samouprave Vlade RS-a nije, kako stoji, predalo 465 predmeta spisa lica kojima je državljanstvo BiH dodijeljeno naturalizacijom, kako stoji u izvještaju o radu Državne komisije za reviziju odluka o naturalizaciji stranih državljana BiH za period 1.1.2008. do 16.2.2009. i šta je s tim pomenutim predmetima?”

Savo Erić:

“Ko je i kada donio odluku o upućivanju i učešću vojnika BiH u vojnoj vježbi u Gruziji?”

Denis Bećirović:

- “1. Koliko je zakona odbijeno u Parlamentarnoj skupštini BiH od potpisivanja Sporazuma o stabilizaciji i pridruživanju BiH sa EU, dakle juni 2008. godine do danas, 13. maja 2009.?”
2. Drugo pitanje: Koji su zakoni odbijeni u navedenom periodu?
3. Tražim da mi se tačno navedu nazivi zakona, broj sjednice i datumi kada su ovi zakoni odbijeni, koji su poslanici glasali "protiv" ili bili "suzdržani" u odnosu na ove zakone.
Tražim da mi se tačno navedu imena i prezimena ovih poslanika kao i podatak kojoj političkoj stranci pripadaju.“

Lazar Prodanović:

„Koje aktivnosti preduzimaju Vijeće ministara BiH, vlade entiteta i kantona kako bi se osiguralo ostvarenje međunarodno prihvaćenih razvojnih ciljeva uključujući i Akcioni program Međunarodne konferencije o populaciji i razvoju i milenijске razvojne ciljeve, posebno kada je riječ o planiranju porodice, reproduktivnom zdravlju i zadovoljenju potreba mladih ljudi? I da li su vlade planirale i odvojile odgovarajuća sredstva u budžetu i u kojem iznosu kako bi bili ostvareni ovi ciljevi?“

Velimir Jukić:

„Da li se poštuju svi važeći propisi i procedure prilikom uvoza mesa, smrznutog mesa u BiH? Da li je važeća legislativa kojom se regulira ova problematika u BiH usklađena i u kojoj mjeri s propisima i standardima koji važe u EU, a kojima se uređuju pitanja sigurnosti hrane?“

Ad. 3. Prijedlog zakona o akcizama u BiH (drugo čitanje)

U uvodnim napomenama predsjedavajući je rekao da je u komisijskoj fazi usvojen jedan amandman, a da u plenarnoj fazi Šemsudin Mehmedović i Jerko Ivanković Lijanović brane po jedan amandman, te da je Momčilo Novaković podnio dva amandmana u skladu s članom 118. stav (3) Poslovnika (novi aspekti). Podsjetio je da o ovim amandmanima nije pribavljeno mišljenje Upravnog odbora Uprave za indirektno oporezivanje.

U raspravi su učestvovali: Sadik Bahtić, Vinko Zorić, Momčilo Novaković, Slavko Jovičić, Milorad Živković, Šemsudin Mehmedović, Lazar Prodanović, Mehmed Suljkanović, Bajazit Jašarević, Velimir Jukić, Jozo Križanović i Martin Raguž.

Dom je, na prijedlog Momčila Novakovića, usvojio zaključak kojim se odgađa izjašnjavanje o Prijedlogu zakona o akcizama u BiH do sljedeće sjednice, kako bi se pribavilo mišljenje Upravnog odbora Uprave za indirektno oporezivanje o podnesenim amandmanima. Zaključak je usvojen sa 23 glasa „za“ (iz Federacije BiH 14, iz Republike Srpske devet), jednim „protiv“ i dva „suzdržana“ glasa.

Ad. 4. Prijedlog zakona o okviru devizne politike u BiH (prvo čitanje)

Predsjedavajući je dao uvodne napomene o Prijedlogu zakona.

U raspravi su učestvovali: Željko Kuzmanović, Šefik Džaferović, Milorad Živković, Azra Hadžiahmetović, Milica Marković, Remzija Kadrić i Momčilo Novaković.

Prilikom glasanja, „za“ su bila 22 poslanika (iz Federacije BiH 20, iz Republike Srpske dva), „protiv“ osam, dva poslanika su bila „suzdržana“. Odmah je provedeno usaglašavanje zbog nedostatka entitetske većine. U drugom krugu glasanja Prijedlog zakona o okviru devizne politike u BiH je odbijen - „za“ je glasao 21 poslanik, „protiv“ 11 (iz Republike Srpske), „suzdržanih“ nije bilo.

Ad. 5. Prijedlog zakona o upotrebi gestovnog jezika, predlagači: poslanici Beriz Belkić, Milorad Živković i Niko Lozančić (prvo čitanje)

Nakon uvodnih napomena predsjedavajućeg kratko je diskutirao Husein Nanić.

Zakon iz ove tačke dnevnog reda usvojen je u prvom čitanju sa 32 glasa „za“ (iz Federacije BiH 20, iz Republike Srpske 12), bez glasova „protiv“ i bez „suzdržanih“ glasova.

Ad. 6. Prijedlog odluke o pristupanju izmjenama Ustava BiH (predlagači: poslanici Kluba SDA)

Predsjedavajući je u uvodnim napomenama podsjetio da je Ustavnopravna komisija utvrdila da postoji valjan ustavnopravni osnov i podržala principe predložene odluke.

U raspravi su učestvovali: Šefik Džaferović, Martin Raguž, Milorad Živković, Drago Kalabić, Milica Marković, Niko Lozančić, Jozo Križanović, Denis Bećirović, Azra Hadžiahmetović, Branko Dokić, Azra Alajbegović, Remzija Kadrić, Bajazit Jašarević, Momčilo Novaković, Hadži Jovan Mitrović i Slavko Jovičić.

Remzija Kadrić predložio je dva amandmana na Prijedlog odluke, a Azra Alajbegović predložila je sljedeći zaključak:

„Odgada se odlučivanje o Odluci o pristupanju izmjenama Ustava BiH. Odluka se prosljeđuje Ustavnoj komisiji da od svih ranijih inicijativa i zaključaka predloži model pristupanja promjenama Ustava BiH.“

„Za“ zaključak je glasalo 14 poslanika (iz Federacije BiH 12, iz Republike Srpske dva), „protiv“ sedam, „suzdržanih“ nije bilo. Predsjedavajući je odmah proveo usaglašavanje zbog nedovoljne entitetske većine. Saglasnost nije postignuta. U drugom krugu zaključak je usvojen – „za“ je glasalo 15 poslanika, „protiv“ osam (iz Republike Srpske), „suzdržana“ dva.

Predsjedavajući je konstatirao da će i amandmani koje je predložio Remzija Kadrić biti prosljeđeni Ustavnoj komisiji.

Ad. 7. Izvještaj o provođenju zakona u nadležnosti Centralne izborne komisije BiH

Predsjedavajući je dao uvodne napomene.

Član Centralne izborne komisije BiH Suad Arnautović dao je uvodno izlaganje o Izvještaju.

U raspravi su učestvovali: Husein Nanić, Hadži Jovan Mitrović, Azra Hadžiahmetović, Momčilo Novaković, Selim Bešlić, Martin Raguž, Jozo Križanović, Denis Bećirović, Šefik Džaferović, Velimir Jukić i Sadik Bahtić.

Sa 25 glasova „za“ (iz Federacije BiH 14, iz Republike Srpske 11), pet „protiv“ i dva „suzdržana“ glasa, usvojen je Izvještaj o provođenju zakona u nadležnosti Centralne izborne komisije BiH.

Nakon toga, pristupilo se glasanju o zaključcima koje je u raspravi predložio Husein Nanić. Zaključci su usvojeni sa 24 glasa „za“ (iz Federacije BiH 18, iz Republike Srpske šest), bez glasova „protiv“ i šest „suzdržanih“ glasova, a glase:

- 1. Predstavnički dom Parlamentarne skupštine BiH prihvata preporuke navedene u izvještaju o provođenju zakona u nadležnosti Centralne izborne komisije BiH.**
- 2. Zadužuje se Vijeće ministara BiH da analizira preporuke te da u roku od 90 dana preduzme potrebne aktivnosti iz njegove nadležnosti.**
- 3. Zadužuju se Centralna izborna komisija BiH i Vijeće ministara BiH da dostave informaciju o realizaciji preporuka Predstavničkog doma u roku od 120 dana.**

Ad. 8. Izvještaj o zaštiti ličnih podataka u BiH i o radu Agencije za zaštitu ličnih podataka u BiH

Predsjedavajući je dao uvodne napomene.

Nije bilo rasprave.

Izvještaj o zaštiti ličnih podataka u BiH i o radu Agencije za zaštitu ličnih podataka u BiH usvojen je sa 24 glasa „za“ (iz Federacije BiH 12, iz Republike Srpske 12), pet „protiv“ i tri „suzdržana“ glasa.

Ad. 9. Izvještaj o radu Pravobranilaštva BiH za period od 1.1.2008. do 31.12.2008.

Predsjedavajući je u uvodnim napomenama rekao da Ustavnopravna komisija nije prihvatila Izvještaj iz ove tačke.

U raspravi su učestvovali: Halid Genjac, Momčilo Novaković, Remzija Kadrić, Sadik Bahtić, Martin Raguž, Šefik Džaferović i Milorad Živković.

Prilikom glasanja, sa 22 glasa „za“ (iz Federacije BiH 11, iz Republike Srpske 11), šest „protiv“ i bez „suzdržanih“ glasova, usvojen je Izvještaj o radu Pravobranilaštva BiH za period od 1.1.2008. do 31.12.2008.

Ad. 10. Privremeni izvještaj Istražne komisije za utvrđivanje trošenja donatorskih sredstava

Predsjedavajući je dao uvodne napomene, a u raspravi su učestvovali: Mirko Okolić, Slavko Jovičić, Azra Hadžiahmetović, Šemsudin Mehmedović, Remzija Kadrić, Momčilo Novaković, Milorad Živković, Martin Raguž i Denis Bećirović.

Na prijedlog Momčila Novakovića, sa 28 glasova „za“ (iz Federacije BiH 18, iz Republike Srpske 10), bez glasova „protiv“ i jednim „suzdržanim“ glasom, usvojen je sljedeći zaključak:

„Privremeni izvještaj Istražne komisije za utvrđivanje trošenja donatorskih sredstava upućuje se Komisiji za finansije i budžet radi donošenja stava o finansiranju projekta, nakon čega će biti uvršten u dnevni red sjednice Doma.“

Ad. 11. Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu Bosne i Hercegovine

Predsjedavajući je u uvodnim napomenama podsjetio na mišljenje Komisije za finansije i budžet i zaključak koji se tiče rokova za izvještavanje Parlamentarne skupštine BiH o realizaciji i postignutim efektima mjera sadržanih u Prijedlogu iz ove tačke.

Kratko su diskutirali Jozo Križanović i Martin Raguž.

Nakon rasprave, zaključeno je da se odgodi razmatranje o ovoj tački, da se materijal vrati Vijeću ministara BiH koje se poziva da dostavi adekvatan materijal, u skladu s ranijim zahtjevom kojim je materijal tražen, kao i raspravom na 53.sjednici Doma („za“ je glasalo 20 poslanika /iz Federacije BiH 15, iz Republike Srpske pet/, glasova „protiv“ nije bilo, dva poslanika bila su „suzdržana“).

Ad. 12. Strategija prevencije i borbe protiv nasilja u porodici za Bosnu i Hercegovinu za period od 2009. do 2011. godine

Predsjedavajući je dao uvodne napomene.

Nije bilo rasprave o ovoj tački.

Strategija prevencije i borbe protiv nasilja u porodici za Bosnu i Hercegovinu za period od 2009. do 2011. godine usvojena je jednoglasno - sa 32 glasa „za“ (iz Federacije BiH 20, iz Republike Srpske 12).

Time je usvojen i zaključak sadržan u mišljenju Komisije za ostvarivanje ranoprvnosti spolova koji glasi:

„Obavezuje se Vijeće ministara BiH da najmanje jednom godišnje podnosi Parlamentarnoj skupštini BiH Izvještaj o provođenju Strategije prevencije i borbe protiv nasilja u porodici u BiH za period od 2009. do 2011. godine.“

Ad. 13. Izvještaj komisije Kolegija o nastojanju za postizanje saglasnosti o Prijedlogu revidirane strategije Bosne i Hercegovine za provođenje Aneksa VII. Dejtonskog mirovnog sporazuma

Predsjedavajući je podsjetio da Kolegij nije postigao saglasnost.

U drugom krugu glasanja Dom je usvojio Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma sa 20 glasova „za“, pet „protiv“ (iz Republike Srpske) i sedam „suzdržanih“ glasova. Ovim je usvojen zaključak iz mišljenja Zajedničke komisije za ljudska prava, prava djeteta, mlade, imigraciju, izbjeglice, azil i etiku koji glasi:

„Ministarstvo za ljudska prava i izbjeglice BiH izradit će Akcioni plan od 2009. do 2014. godine za pristup pravima iz Aneksa VII., uključujući i prava koja se odnose na izbor prebivališta, naknadu za imovinu koja se ne može vratiti i ostala prava.“

Zaključci koje je predložio Milorad Živković na prošloj sjednici Doma nisu usvojeni – „za“ je glasalo 11 poslanika, „protiv“ 15, „suzdržanih“ pet.

Ad. 14. Informacija o radu Tužilaštva BiH za 2008. godinu

Predsjedavajući je podsjetio da glavni tužilac nije bio u mogućnosti da dođe na sjednicu Doma zbog ranije preuzetih obaveza i predložio da se odgodi rasprava o ovoj tački za narednu sjednicu. Dom je prihvatio ovaj prijedlog jednoglasno – sa 26 glasova „za“ (iz Federacije BiH 17, iz Republike Srpske devet).

Ad. 15. Informacija Ministarstva sigurnosti BiH o stanju sigurnosti novinara u Bosni i Hercegovini (realizacija zaključka usvojenog na 47. sjednici Doma, održanoj 4.3. 2009.)

Predsjedavajući je rekao da je Informacija dostavljena tek u toku današnje sjednice.

Denis Bećirović predložio je da se rasprava o ovoj tački odgodi za narednu sjednicu Doma, jer poslanici nisu imali dovoljno vremena da se prouče Informaciju i da se pripreme za raspravu. Prijedlog je prihvaćen sa 23 glasa „za“ (iz Federacije BiH 14, iz Republike Srpske devet), bez glasova „protiv“ i dva „suzdržana“ glasa.

Ad. 16. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o agenciji za pružanje usluga u zračnoj plovidbi

Predsjedavajući je dao uvodne napomene.

Izvještaj Zajedničke komisije oba doma o nastojanju za postizanje sporazuma o identičnom tekstu Zakona o Agenciji za pružanje usluga u zračnoj plovidbi usvojen je sa 28 glasova „za“ (iz Federacije BiH 19, iz Republike Srpske devet), tri „protiv“ i jednim „suzdržanim“ glasom.

Ad. 17. Izjašnjavanje o inicijativi poslanika Momčila Novakovića u vezi s „Razmatranjem položaja i mjera za poboljšanje položaja građana BiH koji su bili zaposleni i nastanjeni u Republici Hrvatskoj, a u periodu od 1991. do 1995. godine otpušteni s posla

Nije bilo rasprave nakon uvodnih napomena predsjedavajućeg.

Inicijativa Momčila Novakovića usvojena je sa 31 glasom „za“ (iz Federacije BiH 19, iz Republike Srpske 12), bez glasova „protiv“ i jednim „suzdržanim“ glasom. Na taj način usvojeni su i zaključci sadržani u mišljenju Zajedničke komisije za ljudska prava, prava djeteta, mlade, imigraciju, izbjeglice, azil i etiku, koji glase:

- 1. Prihvata se inicijativa poslanika Momčila Novakovića u vezi s „Razmatranjem položaja i mjera za poboljšanje položaja građana BiH koji su bili zaposleni i nastanjeni u Republici Hrvatskoj, a u periodu od 1991. do 1995. godine bili otpušteni s posla“, s tim da su iz predloženog naziva Inicijative brisane riječi: „i protjerani u Bosnu i Hercegovinu“.**
- 2. Predstavnički dom Parlamentarne skupštine BiH obavezuje Vijeće ministara BiH da iz sredstava rezervi izdvoji neophodan minimum sredstava za Udruženje građana otpuštenih radnika iz Republike Hrvatske „UGOR“ iz Jelaha-Tešanj i Republičko udruženje radnika i invalida rada izbjeglih iz Hrvatske državljana BiH – Banja Luka, za sudske sporove, uz obavezu da se za trošenje tih sredstava na kraju kalendarske godine podnesu izvještaji.**
- 3. Predstavnički dom podržava Plan mjera koje je potrebno preduzeti za rješavanje problema građana BiH, koji su bili zaposleni u Republici Hrvatskoj i otpušteni s posla u**

periodu od 1991. do 1995. godine, koji je usvojilo Vijeće ministara BiH na 78. sjednici, održanoj 26.2.2009., uz obavezu dostavljanja izvještaja o realizaciji predviđenih mjera.

Ad. 18. Davanje saglasnosti za ratifikaciju:

- a) Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave,
- b) Prvog amandmana na Kreditni sporazum, potpisan 25. jula 2005., između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Olovo,
- c) Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu.

Predsjedavajući je u uvodnim napomenama rekao da je Komisija za vanjske poslove dala pozitivno mišljenje o davanju saglasnosti za ratifikaciju akata iz ove tačke.

Nije bilo rasprave.

Predsjedavajući je predložio da se obavi jedinstveno glasanje o svim aktima. Prijedlog je prihvaćen jednoglasno – sa 32 glasa „za“ (iz Federacije BiH 20, iz Republike Srpske 12).

Saglasnost za ratifikaciju data je sa 30 glasova „za“ (iz Federacije BiH 19, iz Republike Srpske 11), bez glasova „protiv“ i jednim „suzdržanim“ glasom.

Time je realiziran dnevni red.

Predsjedavajući je, zaključujući sjednicu, informirao Dom da će se u utorak, 19. maja 2009., potpredsjednik SAD-a Džozef Bajden, u zgradi Parlamentarne skupštine BiH, obratiti jednom broju predstavnika zakonodavne i izvršne vlasti države i entiteta i određenih struktura civilnog društva, te da će zvanični pozivi biti dostavljeni naknadno.

Predsjedavajući je podsjetio da će 54. sjednica Doma biti održana 27.5.2009.

Sjednica je završena u 19 sati.

Sastavni dio Zapisnika je transkript 53. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVALA
PREDSTAVNIČKOG DOMA
Beriz Belkić